

Publicaziuns officialas dils 5 da december 2025

Vischnaunca Trun

Damondas da baghegiar

Datum da publicaziun: 05-12-2025

Petents: Andriu Maissen e Karin Streule Via Flutginas 1, 7166 Trun
Representanza: Tarcisi Maissen SA Via Resgias 16, 7166 Trun
Object: Engrondaziun dil balcon cuvretg enviers vest sin parcella 667 a Flutginas
Zona: Zona d'agricultura (A)

Protestas:

Il plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Datum da publicaziun: 05-12-2025

Petent: Ciril Maissen Via Cons 9, 7031 Laax
Representanza: LARX architecture GmbH Via Suot Chesas 14, 7512 Champfèr
Object: Construcziun d'ina casa d'ina famiglia sin parcella 586 a Darvella
Zona: Zona d'adattaziun al vitg (VA)

Protestas:

Il plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Rapport dalla radunonza da vischnaunca dils 01-12-2025

Tractanda 1

Avertura ed elecziun da 2 dumbravuschs

Sco dumbravuschs vegnan Daniel Tuor e Giusep Bundi elegi.

Geraua Silvana Menzli presenta la tabla nera digitala. Cun igl 1. da december 2025 ha la vischnaunca introduciu ina nova plattaforma sco tabla nera digitala per habitonts, uniuns e fatschentas. L'applicaziun «Crossiety» vegn messa a disposiziun a tuts interessents per rinforzar la cuminonza sociala sco era per simplificar il brat d'informaziuns. «Crossiety» ei in mied d'informaziun per novitads ed occurrenzaz en nosssa vischnaunca.

La plattaforma porscha ad uniuns ed al commerci indigen la pusseivladad da seprestar.
Vinavon dat ei ina piazza da fiera digitala per artechels e purschidas enteifer la vischnaunca.

Tractanda 6

Varia

Sut varia informescha il president communal davart entginas actualitads.

*Per la suprastanza communal
Il president, Dumeni Tomaschett
La actuara, Sandra Gautschi*

Resultat dallas votaziuns communalas dils 30-11-2025

Lescha davart l'indemnisaziun dallas prestaziuns dalla vischnaunca da Trun en connex cul
provediment d'electricitad

Gie 310
Na 53

Lescha davart il parcar sin intschess communal da Trun

Gie 262
Na 130

Ordinaziun tier la lescha davart il parcar sin territori communal da Trun

Gie 258
Na 134

Administraziun communal Trun

Pigniel da Nadal 2025

Il menaschi tecnic dalla vischnaunca da Trun organisescha uonn la vendita da pigneuls da Nadal.
Ils pigneuls vegnan reparti venderdis, ils 19 da decemeber naven dallas 08:00 entochen las
12.00 uras avon il luvratori communal. Sin damonda vegnan ils pigneuls era furni a casa (+ frs.
5.-).

Il pigniel sa vegnir empustaus cun il talun d'empustaziun entochen venderdis ils 12 da december
2025: Uffeci forestal Trun, Via Dulezi 1, 7166 Trun / carlo.monn@trun.ch

Num e prenum:

Adressa:

Telefon:

Pégn (Fichte)

0.70 – 1.00 m frs. 20.– _____ tocs

1.10 – 1.50 m frs. 25.– _____ tocs

1.60 – 2.00 m frs. 30.– _____ tocs

2.10 – 2.50 m frs. 35.– _____ tocs

Pégn da Nordmann (Nordmannstanne)

1.10 – 1.50 m frs. 40.– ____ tocs

1.60 – 2.00 m frs. 60.– ____ tocs

2.10 – 2.50 m frs. 80.– ____ tocs

furnziun + frs. 5.–

Scumandau ei da tagliar sez il pigniel; en uauls da schurmetg, en uauls da producziun da lenna, sin schischom privat senza lubientscha dil proprietari. Pignola che crescha sin alpe pastiras, agl ur dil Rein, dalla Ferrera e dalla Zavragia astga vegnir tagliada libramein. Bien engraziament.

Uffeci forestal Trun

Reducziun dallas premias dalla cassa da malsauns per 2025 (IPV)

Persunas che han aunc buca fatg l'annunzia sur la pagina d'internet dalla cassa da compensaziun www.sva.gr.ch per igl onn 2025 ni tschentau ora il formular persunter ston aunc far quei sil pli tard entochen ils 31-12-2025. Per damondas ni agid astgeis Vus s'annunziar tier l'administraziun communal Trun.

Filiala AVS Trun

Uniun da dunnas Trun/Zignau

Suentermiezdi creativ

Temps d'esser creativs en cumpignia! Nus s'entupeiin **mesjamna, ils 10 da december 2025** allas 14.00 en scola Trun (stanza textil) cun nos projects, giugs ni per star ensemen da cumpignia. Tgi che sa buc organisar sezza in taxi, sa s'annunziar tochen dus dis avon tier Manuela Schwarz (077 406 21 08). L'Uniun da dunnasenvida cordialmein e selegra scheTi eis era dalla partida.

Sontgaclau

Cars affons. Era uonn fa Sontgaclau puspei ina viseta a vus. **Venderdis, ils 5 da december 2025** allas 17.30 avon la stalla da Catrina e Silvio Livers. Per mussar la via a Sontgaclau fuss ei bi sche biars affons portan ina latiarna. Suenter stein nus aunc in mumenet da cumpignia cun petta e punsch. Nus selegrein da far in beinvegni a Sontgaclau ensemen cun biars affons.
Cars salids e sin seveser

Uniun da giuventetgna ed uniun da dunnas

Uniun local da mezca Tschuppina

Radunonza generala!

Mira sut Breil/Brigels!